

ԱՐՁԱՆԱԳՐՈՒԹՅՈՒՆ ԹԻՎ 91

**«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ԻԶԵՎԱՆԻ ՄԱՍՆԱՃՅՈՒՂԻ
ԳԻՏԱԿԱՆ ԽՈՐՀՐԴԻ ՆԻՍՏԻ**

10-ը հուլիսի 2026թ.

Նիստին ներկա էին գիտական խորհրդի 35 անդամներից 24-ը (քվորումն ապահովված էր):

Նիստը վարում էր ԵՊՀ ԻՄ տնօրենի խորհրդական Ա. Հ. Մակարյանը, նիստի քարտուղարն էր Մ. Ս. Աթոյանը:

ԵՊՀ ԻՄ տնօրենի խորհրդական Ա. Հ. Մակարյանը քվեարկության դրեց նիստի օրակարգը:

ՕՐԱԿԱՐԳ

1. Բակլավալրի և մագիստրոսի կրթական ծրագրերի հաստատում:
(*Ձեկուցող՝ ԵՊՀ ԻՄ տնօրենի խորհրդական Ա. Հ. Մակարյան*)
2. Հաղորդում ԵՊՀ ԻՄ-ում ստացած կրթությունից շրջանավարտների բավարարվածության վերաբերյալ 2026թ. հարցման արդյունքների մասին:
(*Ձեկուցող՝ ԵՊՀ ԻՄ տնօրենի խորհրդական Ա. Հ. Մակարյան*)
3. ԵՊՀ ԻՄ 2027թ. ընդունելության մասնագիտությունների ցանկի քննարկում:
(*Ձեկուցող՝ ԵՊՀ ԻՄ տնօրենի խորհրդական Ա. Հ. Մակարյան*)
4. Հաղորդում ԵՊՀ ԻՄ ՈԻԳԸ-ի 2025-2026 ուստարվա գործունեության մասին:
(*Ձեկուցող՝ ԵՊՀ ԻՄ ՈԻԳԸ նախագահ Ս. Աբազյան*)
5. Հաղորդում ԵՊՀ ԻՄ սովորողների պրակտիկայի կազմակերպման գործընթացի մասին:
(*Ձեկուցող՝ ԵՊՀ ԻՄ պրակտիկայի կազմակերպման և շահակիցների հետ համագործակցության բաժնի վարիչ Լ. Գ. Բեգինյան*)
6. 2026-2027 ուստարում ԵՊՀ ԻՄ ֆինանսական միջոցների հաշվին տրամադրվող անվանական կրթաթոշակների քանակն ու չափը հաստատելու մասին:
(*Ձեկուցող՝ ԵՊՀ ԻՄ տնօրենի խորհրդական Ա. Հ. Մակարյան*)
7. ԵՊՀ ԻՄ ֆինանսական գործունեության մշտադիտարկման արդյունքների ներկայացում և գնահատում:
(*Ձեկուցող՝ ԵՊՀ ԻՄ գլխավոր հաշվապահ Մ. Ս. Մխիթարյան*)
8. Ընթացիկ հարցեր

Բաց քվեարկությամբ՝ 24 կողմ, 0 դեմ, 0 ձեռնպահ համամասնությամբ որոշվեց.

ՈՐՈՇՈՒՄ

➤ Հաստատել նիստի օրակարգը:

Օրակարգի առաջին՝ «Բակալավրի և մագիստրոսի կրթական ծրագրերի հաստատում» հարցի վերաբերյալ լսեցին *ԵՊՀ ԻՄ տնօրենի խորհրդական Ա.Հ. Մակարյանի* հաղորդումը:

Ա. Մակարյանը նշեց որոշակի անհամապատասխանություն կատարված փոփոխությունների և ուսանողների/շրջանավարտների կարծիքների միջև: Մինչ շրջանավարտները շեշտադրում են գործնական դասաժամերի և մեթոդների ավելացման անհրաժեշտությունը, որոշ ֆակուլտետներ առաջարկել էին ավելացնել տեսական դասախոսությունների ժամերը: Նա առաջարկեց հաջորդ տարվանից փոփոխություններն անելիս անպայման հաշվի առնել դասընթացների ուսանողական գնահատման արդյունքները և ներկայացնել հստակ հիմնավորումներ որակի ապահովման բաժին:

Այնուհետև Ա. Մակարյանը նշեց կոնկրետ կրթական ծրագրերում կատարված փոփոխությունները:

- Օտար լեզուներ (անգլերեն, ֆրանսերեն): 8-րդ կիսամյակում ավելացվել են լեզվական հմտությունների զարգացմանը ուղղված կամընտրական դասընթացներ:
- Ռուսաց լեզու և գրականություն: «Ռուսաց լեզվի դասավանդման մեթոդիկա» դասընթացում ավելացվել է հետազոտական բաղադրիչ: Մակայն, զեկուցողը բացասական համարեց այն, որ որոշ դասընթացներում (օր.՝ գրականագիտության հիմունքներ) դասախոսություն/սեմինար 30/30 ժամաքանակը դարձել է 45/15՝ զարկ տալով տեսական մասին:
- Հայոց լեզու և գրականություն: Կատարվել են ամենամեծաքանակ՝ 15 փոփոխությունները: Դրանց մեծ մասը (օր.՝ բարբառագիտություն, նորաբանություններ, դարձվածաբանություն) միտված են գործնական ժամերի շատացմանը (30/30-ից դարձել է 15/45), ինչը դրական գնահատվեց:
- Տարրական մանկավարժություն և մեթոդիկա: «Մայրենի լեզվի դասավանդման մեթոդիկա» դասընթացներում տեսական նյութի ծավալուն լինելու պատճառով դասախոսության ժամերն ավելացվել են:
- Ինֆորմատիկա և կիրառական մաթեմատիկա: DIGITECH նախագծի շրջանակներում վերանայվել են կրթական վերջնարդյունքները՝ դրանք համապատասխանեցնելով աշխատաշուկայի արդի պահանջներին:
- Գործարար վարչարարություն (մագիստրոս): Փոփոխությունները կատարվել են՝ հետևելով միջազգային տրենդներին և գերմանական կազմակերպության հավատարմագրման պահանջներին: Ներդրվել են «Ռազմավարական կառավարում» և «Որակի կառավարման համակարգ - ISO 9001» դասընթացները:

Նշվեց նաև, որ մի շարք ծրագրերում (հոգեբանություն, պատմություն, դիզայն, կիրառական արվեստ, ֆինանսներ, զբոսաշրջություն) փոփոխություններ չեն առաջարկվել:

Արտահայտվեցին՝ ԵՊՀ ԻՄ Օտար լեզուների ամբիոնի վարիչի պաշտոնակատար Ք. Հարությունյանը, Կիրառական արվեստի ֆակուլտետի դեկան Վ. Աղաբաբյանը, Հումնաբանական գիտությունների ֆակուլտետի դեկան Ն. Գրիգորյանը և այլք:

Արտահայտվողների հիմնական դիտարկումները հետևյալն էին.

- Տեսական ժամերի պակասի խնդիրը. Խորհրդի անդամներից մեկը հարց բարձրացրեց այն մասին, որ ԵՊՀ-ում դոցենտի պաշտոնի համար պահանջվում է որոշակի քանակի տեսական դասընթացների վարում: Նշվեց մտահոգություն, որ ամբիոններում տեսական ժամերը շատ քիչ են, քանի որ դրանք հիմնականում վերցնում են պրոֆեսորները, ինչը խնդիրներ է ստեղծում այլ դասախոսների համար:
- Ուսանողական գնահատականների հասանելիությունը. Դասախոսական կազմից հնչեց առաջարկ՝ տրամադրել ամբիոններին ուսանողների կողմից դասընթացների գնահատման արդյունքները: Նրանք փաստեցին, որ այժմ այդ տվյալները տեսնում է միայն տվյալ դասախոսը, սակայն ամբիոններին դրանք անհրաժեշտ են կրթական ծրագրերում փոփոխություններն առավել հիմնավորված անելու համար:
- Ուսանողների հետ քննարկումների արդյունքները. Խորհրդի անդամները նշեցին, որ ֆակուլտետային նիստերում ուսանողների հետ քննարկումների ժամանակ երբեմն ստացվում են հակասական կարծիքներ: Օրինակ՝ երբեմն պարզվում է, որ որոշակի դժգոհություն գրել է ընդամենը մեկ հոգի, իսկ մնացած ուսանողները համաձայն չեն այդ կարծիքի հետ, ինչը դժվարացնում է օբյեկտիվ պատկեր ստանալը:
- Մասնագիտական շեշտադրումներ. Հայոց լեզվի և գրականության ծրագրում կատարված մեծաքանակ (15) փոփոխությունների վերաբերյալ Ա. Մակարյանը դիմեց պարոն Ավագյանին՝ նշելով, որ թեև դրանք դրական են (գործնական ժամերի շատացում), սակայն միանգամից այդքան շատ փոփոխություններն աննախադեպ են:

Բաց քվեարկությամբ՝ 24 կողմ, 0 դեմ, 0 ձեռնպահ համամասնությամբ որոշվեց.

ՈՐՈՇՈՒՄ 91/1

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 23-րդ կետի 6-րդ ենթակետով և «Երևանի պետական համալսարան» հիմնադրամի Իջևանի մասնաճյուղի գիտական խորհրդի աշխատակարգի 4-րդ կետի 6-րդ ենթակետով՝ «Երևանի պետական համալսարան» հիմնադրամի Իջևանի մասնաճյուղի գիտական խորհուրդը որոշում է.

- 1 Հաստատել ԵՊՀ ԻՄ կրթական ծրագրերը համաձայն հավելված 1-ի:
- 2 Որոշումն ուժի մեջ է մտնում ընդունման պահից:

Օրակարգի երկրորդ՝ «Հաղորդում ԵՊՀ ԻՄ-ում ստացած կրթությունից շրջանավարտների բավարարվածության վերաբերյալ 2026թ. հարցման արդյունքների մասին» հարցի մասին լսեցին ԵՊՀ ԻՄ գիտական խորհրդին կից որակի կառավարման մշտական հանձնաժողովի նախագահ՝ Ա.Հ. Մակարյանի հաղորդումը:

Նա նշեց, որ հարցմանն առկա ուսուցման 12 կրթական ծրագրերի 165 շրջանավարտներից մասնակցել է 164-ը, ինչը ապահովել է գրեթե 100% մասնակցություն և

արդյունքների բարձր արժանահավատություն: Ըստ ներկայացված տվյալների՝ շրջանավարտների 88.5%-ը սովորել է լավ և բարձր առաջադիմությամբ (13-20 ՄՈԳ):

Զեկույցում անդրադարձ կատարվեց շրջանավարտների ապագա պլաններին և զբաղվածությանը.

- Հարցվածների 53.7%-ը պատրաստվում է շարունակել կրթությունը, ընդ որում՝ «Հոգեբանություն» կրթական ծրագրի շրջանավարտների դեպքում այդ ցուցանիշը կազմում է 100%:
- Զբաղվածության հարցում պատկերը համարվեց մտահոգիչ, քանի որ շրջանավարտների 53%-ը դեռևս չգիտի, թե որտեղ է աշխատելու:
- Ա. Մակարյանը մանրամասն ներկայացրեց շրջանավարտների բավարարվածությունը ուսումնառության արդյունքներից.
- Տեսական գիտելիքներ. շրջանավարտների 75%-ը լիովին բավարարված է ստացած գիտելիքներից:
- Գործնական հմտություններ. լիովին բավարարված է միայն 55.5%-ը, ինչը զեկուցողի կողմից որակվեց որպես լուրջ խնդիր, որը պահանջում է դասավանդման մեթոդների վերանայում:
- Օտար լեզուների իմացություն. արձանագրվեց ամենացածր ցուցանիշը՝ 41.5%, ինչը փաստում է, որ ուսանողները դժվարանում են աշխատել օտարալեզու գրականության հետ:

Գնահատման համակարգի վերաբերյալ նշվեց, որ թեև թափանցիկությունից գոհ է շրջանավարտների 72.6%-ը, սակայն օբյեկտիվության ցուցանիշն ավելի ցածր է՝ 65.2%: Միննույն ժամանակ, ամփոփիչ ատեստավորման (ավարտական աշխատանքների պաշտպանության) օբյեկտիվությունը շրջանավարտները շատ բարձր են գնահատել՝ միջինը 4.6 միավոր, իսկ գիտական ղեկավարների աշխատանքը՝ 4.7 միավոր:

Ռեսուրսների գնահատման մասում զեկուցողը փաստեց, որ շրջանավարտները հիմնականում բավարարված են լսարանների վիճակից (65.2%) և համակարգչային սրահներից (68.3%), սակայն որոշ կրթական ծրագրերում դժգոհություն կա համացանցի մատչելիությունից և որակից:

Մասնաճյուղի և ֆակուլտետների ղեկավարման վերաբերյալ կարծիքները դրական էին. մասնաճյուղի ղեկավարությունից գոհ է 91.4%-ը, ֆակուլտետների ղեկավարությունից՝ 87%-ը, իսկ դասախոսական կազմից՝ 87.1%-ը:

Որպես մասնաճյուղի ուժեղ կողմեր շրջանավարտները նշել են որակյալ կրթությունը, փորձառու դասախոսական կազմը և կարգապահությունը: Թույլ կողմերի շարքում մատնանշվել են մասնագիտական գրականության պակասը, պրակտիկայի սահմանափակ հնարավորությունները, ինտերնետի թույլ կապը և գործնական պատրաստվածության պակասը:

Ամփոփելով՝ Ա. Մակարյանը հայտնեց, որ շրջանավարտների 92%-ը դրական է գնահատում ԵՊՀ ԻՄ-ում ստացած կրթությունը (միջինը՝ 4.47 միավոր), և 95%-ը խորհուրդ կտա մերձավորներին ընդունվել այս բուհ:

Ա. Մակարյանի ամբողջական հաղորդումը կարող էք տեսնել հավելված 2-ում:

Արտահայտվեցին՝ ՈԻՄՎ պետ Ա. Դավթյանը, Ընդհանուր տնտեսագիտության ամբիոնի վարիչ Գ. Միրոյանը, ԵՊՀ ԻՄ Ընդհանուր մաթեմատիկայի և բնագիտության ամբիոնի դոցենտ Գ. Միմոյանը, Հայոց պատմության և հասարակագիտության ամբիոնի

դոցենտ Ա. Ազատյանը, գրադարանի վարիչ Վ. Պողոսյանը, ուսանող Շ. Շահնագարյանը և այլք:

Ելույթ ունեցողները և նրանց բարձրացրած հիմնական հարցերը հետևյալն էին.

- Ա. Ազատյանը անդրադարձել է «Պատմություն» մասնագիտության շրջանավարտների դժգոհությանը՝ կապված լրացուցիչ գրականության տրամադրման հետ: Նա տարակուսանք է հայտնել, որ չնայած ինքը ուսանողներին մշտապես ապահովում է անհրաժեշտ նյութերով և հետազոտական գրականությամբ, հարցումների մեջ այդ կետը ստացել է ամենացածր գնահատականը:
- Գ. Սիմոնյանը բարձրացրել է երիտասարդ դասախոսների պակասի հարցը՝ նշելով, որ շրջանավարտներն իրենց պատասխաններում շեշտել են երիտասարդ կադրերին տեսնելու ցանկությունը:
- Գ. Սիրոյանը արձագանքելով երիտասարդ կադրերի խնդրին՝ փաստել է, որ արդեն քանի տարի է՝ ասպիրանտուրայի անվճար տեղերի համար դիմողներ չկան, ինչը դժվարացնում է դասախոսական կազմի համալրումը:
- Ա. Դավթյանը առաջարկել է ավարտական աշխատանքների թեմաները հաստատել ամբիոններում և դնել ընդհանուր ցանկով, որպեսզի ուսանողները թեմաներն ընտրեն ըստ հաստատված ցուցակի, այլ ոչ թե դասախոսների հետ «զադտնի պայմանավորվածություններով»:
- Ք. Հարությունյանը անդրադարձ է կատարվել նրան օտար լեզուների դասաժամերի քանակի և ուսանողների կողմից այդ առարկայի նկատմամբ ցուցաբերած վերաբերմունքի համատեքստում:
- Շուշանիկ Շահնագարյանը (շրջանավարտ) քննարկմանը ներգրավվել է որպես շրջանավարտների ներկայացուցիչ՝ պարզաբանելու օտար լեզուների ուսուցման հետ կապված դժգոհությունները:

Առաջարկվել է նաև ուժեղացնել վերահսկողությունը քննությունների ժամանակ, որպեսզի բացառվի արտագրությունը, և գնահատականն ավելի օբյեկտիվ լինի, տրամադրել լսարաններում տեղադրված տեսախցիկների նկարահանած նյութերը՝ դասախոսների աշխատանքը և ուսանողների վարքագիծը հետազայում ուսումնասիրելու համար:

Բաց քվեարկությամբ՝ 24 կողմ, 0 դեմ, 0 ձեռնպահ, *որոշվեց*

ՈՐՈՇՈՒՄ

- «Հաղորդում ԵՊՀ ԻՄ-ում ստացած կրթությունից շրջանավարտների բավարարվածության վերաբերյալ 2026թ. հարցման արդյունքների մասին» հարցի վերաբերյալ ԵՊՀ ԻՄ գիտական խորհրդին կից որակի կառավարման մշտական հանձնաժողովի նախագահ՝ Ա.Հ. Մակարյանի հաղորդումն ընդունելի գիտություն:

Օրակարգի երրորդ՝ «ԵՊՀ ԻՄ 2027թ. ընդունելության մասնագիտությունների ցանկի քննարկում» հարցի մասին լսեցին *ԵՊՀ ԻՄ տնօրենի խորհրդական Ա. Հ. Մակարյանի* հաղորդումը:

Նա տեղեկացրեց, որ փոփոխությունների անհրաժեշտությունը պայմանավորված է ՀՀ կառավարության կողմից հաստատված մասնագիտությունների և որակավորումների նոր ցանկով, որն ուժի մեջ է մտնելու 2027 թվականից: Նա պարզաբանեց, որ թեև նախարարությունը դեռևս չի հաստատել կոնկրետ կրթական ծրագրերը, սակայն մասնաճյուղն այս փուլում պետք է վերանայի իր մասնագիտությունների ցանկը՝ դրանք նոր դասիչներին ու անվանումներին համապատասխանեցնելու համար:

Ա. Մակարյանը մանրամասն ներկայացրեց մասնագիտությունների կառուցվածքային և անվանական փոփոխությունները.

- Նոր համակարգում մասնագիտությունները խմբավորված են ըստ ոլորտների և բնագավառների, ինչը երբեմն հանգեցնում է մի քանի ուղղությունների միավորման:
- «Ինֆորմատիկա և կիրառական մաթեմատիկա» մասնագիտությունը էական փոփոխության է ենթարկվել և նոր ցանկում ներկայացված է որպես «Ծրագրային ապահովման և հաղորդումների մշակում» (դասիչ՝ 0613):
- «Ֆինանսներ» մասնագիտությունը վերանվանվել է «Ֆինանսներ, բանկային գործ և ապահովագրություն»:
- «Պատմություն» մասնագիտությունը ներառվել է «Պատմություն և հնագիտություն» խմբում:
- «Զբոսաշրջություն» մասնագիտությունը նոր ցանկում ձևակերպված է որպես «Ճանապարհորդություն, զբոսաշրջություն և հանգիստ»:

Հաղորդման ընթացքում զեկուցողն անդրադարձավ նաև լեզվաբանական մասնագիտությունների անվանումներին: Նշվեց, որ հետևելով ընդհանուր միտմանը և նախարարության մոտեցումներին՝ նպատակահարմար է համարվել անվանումներից հանել «լեզու» բառը (օրինակ՝ «Անգլերեն և գրականություն»):

Ա. Մակարյանը հատուկ շեշտեց, որ այս բոլոր փոփոխությունները վերաբերում են բացառապես 2027 թվականից ընդունվող առաջին կուրսեցիներին, իսկ արդեն սովորող ուսանողների համար որևէ փոփոխություն չի նախատեսվում:

Ելույթի ավարտին զեկուցողն առաջարկեց հաստատել 2027թ. ընդունելության նախնական ցանկը, որպեսզի հնարավոր լինի հետագայում իրականացնել ցուցիչների և այլ մանրամասն տվյալների քննարկումը:

Արտահայտվեցին՝ ԵՊՀ ԻՄ կիրառական արվեստի ֆակուլտետի դեկանի պաշտոնակատար Վ. Աղաբաբյանը, դոցենտներ Գ. Սիմոնյանը, Գ. Սիրոյանը, Ք. Հարությունյանը և այլք:

Խորհրդի անդամների կողմից հնչած հիմնական դիտարկումներն ու հարցադրումները հետևյալն էին.

- Մասնագիտությունների դասակարգում. Խորհրդի անդամներից մեկը հետաքրքրվեց նոր դասիչների (շիֆրերի) նշանակությամբ, մասնավորապես՝ թե ինչ են նշանակում «ոլորտ», «բնագավառ» և «մասնագիտություն» հասկացությունները նոր ցանկում: Հարց բարձրացվեց նաև այն մասին, թե արդյոք ներկայիս գործող կրթական ծրագրերի դասիչները կպահպանվեն, թե՞ կենթարկվեն փոփոխության:
- Մասնագիտությունների անվանափոխություններ. Քննարկման մասնակիցներն արձագանքեցին մի շարք մասնագիտությունների անվանումների էական փոփոխություններին: Մտքերի փոխանակություն տեղի ունեցավ «Ինֆորմատիկա» և

«Զբոսաշրջություն» մասնագիտությունների նոր՝ ավելի ընդգրկուն անվանումների վերաբերյալ:

- Լեզվաբանական մասնագիտությունների անվանումներ. Առավել աշխույժ քննարկում ծավալվեց մասնագիտությունների անվանումներից «լեզու» բառը հանելու վերաբերյալ: Խորհրդի անդամները նշեցին, որ թեև նախկինում պահանջվում էր գրել, օրինակ՝ «Անգլերեն լեզու և գրականություն», այժմ նախարարության մոտեցումն այն է, որ «լեզու» բառն ավելորդ է, քանի որ հենց անգլերենը կամ ռուսերենը արդեն իսկ լեզու են:
- Փոփոխությունների կիրառման ժամկետներ. Հարց հնչեց նաև այն մասին, թե արդյոք այս անվանական փոփոխությունները կտարածվեն նաև բարձր կուրսերում սովորողների վրա: Պարզաբանվեց, որ փոփոխությունները կիրառվելու են միայն 2027 թվականից ընդունվող առաջին կուրսեցիների համար:

Խորհրդի անդամները (այդ թվում՝ նիստը նախագահողը) համաձայնության եկան այս փուլում հաստատել մասնագիտությունների **նախնական ցանկը**, իսկ դիմորդների թվի և այլ ցուցանիշների քննարկումը թողնել հաջորդ նիստերին:

Բաց քվեարկությամբ՝ 24 կողմ, 0 դեմ, 0 ձեռնպահ, *որոշվեց*

ՈՐՈՇՈՒՄ 91/2

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 23-րդ կետի 3-րդ ենթակետով և «Երևանի պետական համալսարան» հիմնադրամի Իջևանի մասնաճյուղի գիտական խորհրդի աշխատակարգի 4-րդ կետի 3-րդ ենթակետով՝ «Երևանի պետական համալսարան» հիմնադրամի Իջևանի մասնաճյուղի գիտական խորհուրդը որոշում է.

1. Հաստատել ԵՊՀ ԻՄ բակալավրի ու անընդհատ և ինտեգրացված կրթական ծրագրերով (առկա, հեռակա) 2027/2028 ուսումնական տարվա մասնագիտությունների և ընդունելության քննությունների նախնական ցանկը՝ համաձայն հավելված 3-ի:
2. Որոշումն ուժի մեջ է մտնում ընդունման պահից:

Օրակարգի չորրորդ՝ «Հաղորդում ԵՊՀ ԻՄ ՈԻԳԸ 2025-2026 ուստարվա գործունեության մասին» հարցի մասին լսեցին ԵՊՀ ԻՄ ՈԻԳԸ ներկայացուցիչ Լիանուշ Բլբուլյանի հաղորդումը:

Լիանուշ Բլբուլյանի զեկույցում մանրամասն ներկայացվեցին հաշվետու տարում իրականացված կրթական, գիտական և մշակութային միջոցառումները, որոնք միտված էին ուսանողների գիտահետազոտական ակտիվության բարձրացմանը:

Զեկույցողը նշեց հետևյալ հիմնական ուղղությունները և միջոցառումները.

- Իրազեկում և ներգրավում. Ուսումնական տարվա սկզբում իրականացվել են իրազեկման հանդիպումներ առաջին կուրսեցիների հետ՝ նրանց ծանոթացնելու ՈԻԳԸ կառուցվածքին, լիազորություններին և ընձեռնվող հնարավորություններին:
- Գիտական սեմինարներ. Բնագիտական գիտությունների ֆակուլտետի ՈԻԳԸ նախաձեռնությամբ կազմակերպվել է սեմինար «Բլոկչեյնի կիրառությունները և հեռանկարները» թեմայով (16 մասնակից): Մեկ այլ սեմինար նվիրված էր հետազոտական աշխատանքի մեթոդներին և տրամաբանությանը, որտեղ

անդրադարձ է կատարվել նաև արհեստական բանականության և գիտության առնչություններին (21 մասնակից բոլոր ֆակուլտետներին):

- Ստեղծագործական միջոցառումներ. Կազմակերպվել է «Ստեղծագործ մտքի ձայնը» խորագրով միջոցառումը, որի ընթացքում 7 ուսանողներ ներկայացրել են իրենց հեղինակած արձակ և չափածո ստեղծագործությունները, որոնց զգալի մասը վերաբերում էր 44-օրյա պատերազմին:
- Համագործակցություն գրադարանների հետ. Մարգային գրադարանի հետ համատեղ իրականացվել են մայիսյան հերոսամարտերին նվիրված միջոցառումներ, ինչպես նաև «Բացահայտենք մեր գրադարանը» ճանաչողական արշավը նորեկ ուսանողների համար:
- Ակադեմիական աջակցություն. Կրթական բարեփոխումների բաժնի հետ համատեղ կազմակերպվել է դասընթաց ավարտական աշխատանքների գրելու մեթոդաբանության և կանոնների վերաբերյալ:
- Ազգագրական և բանահավաքչական աշխատանք. Ուսանողների կողմից հավաքագրվել են տարածաշրջանային զրույցներ, ավանդազրույցներ և ծիսական արարողակարգեր, որոնք նախատեսվում է ամփոփել և հրատարակել առանձին գրքույկով:
- Ինտելեկտուալ խաղեր և կապ դպրոցների հետ. Իրականացվել է «Ամենախելացին» ինտելեկտուալ խաղը տարածաշրջանի մի շարք միջնակարգ դպրոցների (Այգեհովիտ, Ազատամուտ, Սևքար, Հաղարծին) աշակերտների մասնակցությամբ, որի եզրափակիչ փուլը տեղի է ունեցել մասնաճյուղում:
- Գիտափիլիսոփայական քննարկումներ. Մեկնարկել է «Գիտությունը և կրոնը» միջոցառումների շարքը, որի նպատակն է քննարկել գիտական հայտնագործությունների և կրոնական ընկալումների փոխառնակցությունները:

Լիանուշ Բլբուլյանը նաև հավելեց, որ ՈԻԳԸ սոցիալական հարթակներով պարբերաբար իրազեկում է ուսանողներին կրթաթոշակների, դրամաշնորհների և կամավորական աշխատանքների հնարավորությունների մասին:

Զեկույցից հետո խորհրդի անդամների կողմից արվեցին դիտողություններ ուսանողների գիտական հոգվածների սակավության և կոնֆերանսներին թույլ մասնակցության վերաբերյալ:

Բաց քվեարկությամբ՝ 24 կողմ, 0 դեմ, 0 ձեռնպահ, որոշվեց

ՈՐՈՇՈՒՄ 91/3

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 23-րդ կետի 20-րդ ենթակետով, «Երևանի պետական համալսարան» հիմնադրամի Իջևանի մասնաճյուղի գիտական խորհրդի աշխատակարգի 4-րդ կետի 20-րդ ենթակետով «Երևանի պետական համալսարան» հիմնադրամի Իջևանի մասնաճյուղի գիտական խորհուրդը որոշում է.

1. «Երևանի պետական համալսարան» հիմնադրամի Իջևանի մասնաճյուղի ուսանողական գիտական ընկերության 2025-2026 ուստարվա գործունեության մասին ԵՊՀ ԻՄ ՈԻԳԸ ներկայացուցիչ Լիանուշ Բլբուլյանի զեկույցն ընդունել ի գիտություն:

2. «Երևանի պետական համալսարան» հիմնադրամի Իջևանի մասնաճյուղի ուսանողական գիտական ընկերության 2025-2026 ուստարվա գործունեությունը գնահատել բավարար:

Օրակարգի հինգերորդ՝ «Հաղորդում ԵՊՀ ԻՄ սովորողների պրակտիկայի կազմակերպման գործընթացի մասին» հարցի մասին լսեցին *ԵՊՀ ԻՄ պրակտիկայի կազմակերպման և շահակիցների հետ համագործակցության բաժնի վարիչ Լ. Գ. Բեգինյանի* հաղորդումը:

Լ. Բեգինյանը ներկայացրեց է 2025-2026 ուսումնական տարվա ընթացքում իրականացված աշխատանքների համապարփակ պատկերը:

Նշվեց, որ հաշվետու տարում կազմակերպվել և համակարգվել է ընդհանուր 38 պրակտիկա, որոնցից 7-ը՝ ուսումնական, 11-ը՝ մանկավարժական և 20-ը՝ մասնագիտական: Գործընթացի արդյունավետությունն ապահովելու նպատակով մասնաճյուղը համագործակցել է բազմաթիվ պետական և մասնավոր կազմակերպությունների հետ՝ կիրառելով 17 հուշագիր, 1 համաձայնագիր և 29 պայմանագիր: Պրակտիկաներն անցկացվել են ինչպես Իջևանում, այնպես էլ Երևանում և ՀՀ մի շարք մարզերում: Նշվեց, որ ուսումնական պրակտիկային մասնակցել է 104 ուսանող 6 կրթական ծրագրերից: Բոլոր մասնակիցները ստացել են «ստուգված» գնահատական: Մանկավարժական պրակտիկան ընդգրկվել է 74 ուսանող «Տարրական մանկավարժություն և մեթոդիկա» ու «Ռուսաց լեզու և գրականություն» ծրագրերից: Աշխատանքները կազմակերպվել են հիմնականում Իջևանի թիվ 1 և թիվ 5 հիմնական դպրոցներում: Մասնագիտական պրակտիկան ամենամասշտաբայինն էր, որին մասնակցել է 299 ուսանող բակալավրիատի և մագիստրատուրայի տարբեր կրթական ծրագրերից:

Լ. Բեգինյանը փաստել է, որ գործատուների շրջանում անցկացված հարցումները վկայում են բարձր գոհունակության մասին. պրակտիկայի կազմակերպման միջին միավորը կազմել է 4.8 (5-բալային համակարգով):

Լ. Բեգինյանը նշեց, որ գործատուները բարձր են գնահատել ուսանողների տեսական գիտելիքները, ժամանակակից մեթոդների տիրապետումը և ՏՀՏ հմտությունները, առաջարկվել է ավելի շատ ուշադրություն դարձնել գործնական կարողություններին, հաճախակի դարձնել հանդիպումները փորձառու մասնագետների հետ և ուսանողներին ներգրավել իրական աշխատանքային խնդիրների լուծման մեջ:

Նա ներկայացրեց նաև ուսանողների բավարարվածությունը: Ըստ ներկայացված տվյալների՝ շրջանավարտների 71.3%-ը պրակտիկաների օգտակարությունը գնահատել է «լավ»: Ուսանողների մեծամասնությունը գտել է, որ պրակտիկայի վայրը լիովին համապատասխանում է իրենց մասնագիտությանը և ձեռք բերված հմտությունները օգտակար կլինեն ապագա աշխատանքում: Որպես դրական կողմեր ամենահաճախը նշվել են պրակտիկայի ուսուցողական, արդյունավետ և գործնական բնույթը:

Զեկույցում անդրադարձ է կատարվել նաև թույլ կողմերին: Ուսանողների մի մասը (շուրջ 50%-ը) նշել է, որ պրակտիկան ժամանակատար է: Նկատվել է նաև, որ որոշ դեպքերում ուսանողները դժվարանում են տեսական գիտելիքները վերածել գործնական հմտությունների, ինչը պահանջում է դասավանդման մեթոդների հետագա բարելավում:

Ամփոփելով՝ Լ. Բեգինյանը նշել է, որ պրակտիկայի արդյունքների վերլուծությունը կփոխանցվի ամբիոններին՝ կրթական գործընթացը կատարելագործելու նպատակով: Լ. Բեգինյանի հաղորդումն ամբողջությամբ կարել էր տեսնել հավելված 4-ում:

Արտահայտվեցին՝ ԵՊՀ ԻՄ տնօրենի խորհրդական Ա. Մակարյանը, Կիրառական արվեստի ֆակուլտետի դեկանի պաշտոնակատար Վ. Աղաբաբյանը, Գ. Սիրոյանը, Վ. Ավագյանը, Բ. Հարությունյանը, Ա. Ազատյանը և այլք:

Քննարկման ընթացքում հնչած հիմնական դիտարկումներն ու առաջարկները հետևյալն էին.

- **Ա. Հ. Մակարյան.** Նա հանդես է եկել բազմաթիվ դիտարկումներով և համակարգային առաջարկներով.
 - Հաշվետվողականության բարելավում. Առաջարկել է հաջորդ տարվա հաշվետվություններում հստակ նշել պրակտիկայի կոնկրետ վայրերը (օրինակ՝ որտեղ են անցել ինֆորմատիկայի ուսանողները), որպեսզի պատկերն ավելի պարզ լինի:
 - Գնահատման օբյեկտիվություն. Մտահոգություն է հայտնել այն դեպքերի վերաբերյալ, երբ մասնաճյուղի դասախոսը միաժամանակ հանդիսանում է նաև տվյալ ՏՏ ընկերության աշխատակիցը և գնահատում է իր իսկ ուսանողին: Ըստ նրա՝ սա կարող է հարցեր առաջացնել գնահատման անկողմնակալության վերաբերյալ:
 - Մանկավարժական պրակտիկայի արդիականացում. Շեշտել է, որ մանկավարժ-ուսանողներին պետք է սովորեցնել լուծել իրավիճակային խնդիրներ (քեյսեր), քանի որ ուսուցիչների ներկայիս ատեստավորման քննությունները հիմնված են հենց նմանատիպ իրական իրավիճակների լուծման վրա:
 - Օտար լեզուների խնդիրը. Տարակուսանք է հայտնել, որ օտար լեզվի բաժնի ուսանողները երբեմն խուսափում են թարգմանչական աշխատանքներից կամ դա չեն համարում իրենց մասնագիտական պարտականությունը:
 - Պատասխանատվության կիսում. Առաջարկել է թույլ տալ ուսանողներին ընտրել պրակտիկայի վայրը կամ ղեկավարին, որպեսզի նրանք ևս ստանձնեն իրենց ընտրության պատասխանատվությունը:
 - Վերահսկողություն. Հորդորել է խստորեն վերահսկել պրակտիկայի օրագրերի բովանդակությունը, որպեսզի այն լիովին համապատասխանի կրթական ծրագրի նպատակներին:

Նշվեց, որ պետք է առանձնահատուկ ուշադրություն դարձնել պրակտիկաների կազմակերպմանը և գործնական հմտությունների զարգացմանը, քանի որ գործատուներից ստացվող արձագանքները վկայում են տեսական գիտելիքների գերակշռության և գործնական կարողությունների պակասի մասին:

Հարց է բարձրացրել մանկավարժական ուղղվածությամբ մագիստրոսների պրակտիկայի վերաբերյալ: Ի պատասխան պարզաբանվել է, որ նրանց պրակտիկաները սովորաբար իրականացվում են նոյեմբեր ամսին, և առաջարկվել է մտածել նաև նրանց շրջանում արտաքին շահակիցների հարցումներ անցկացնելու մասին:

Քննարկման ավարտին Ա. Մակարյանն առաջարկել է հաղորդումն ընդունել ի գիտություն և արձանագրված թվերն ու փաստերը քննարկել ֆակուլտետներում՝ հետագա բարելավումներն ապահովելու նպատակով:

Բաց քվեարկությամբ՝ 24 կողմ, 0 դեմ, 0 ձեռնպահ, *որոշվեց*

ՈՐՈՇՈՒՄ

- «Հաղորդում ԵՊՀ ԻՄ սովորողների պրակտիկայի կազմակերպման գործընթացի մասին» հարցի վերաբերյալ *ԵՊՀ ԻՄ պրակտիկայի կազմակերպման և շահակիցների հետ համագործակցության բաժնի վարիչ Լ. Բեգինյանի* հաղորդումն ընդունել ի գիտություն:

Օրակարգի վեցերորդ՝ «2026-2027 ուստարում ԵՊՀ ԻՄ ֆինանսական միջոցների հաշվին տրամադրվող անվանական կրթաթոշակների քանակն ու չափը հաստատելու մասին» հարցի մասին լսեցին *ԵՊՀ ԻՄ տնօրենի խորհրդական Ա. Հ. Մակարյանի* հաղորդումը:

Ա. Մակարյանն առաջարկվեց սահմանել 11 անվանական կրթաթոշակ: Յուրաքանչյուր կրթաթոշակի չափը թողնվել է անփոփոխ՝ 10,000 դրամ: Զեկուցողը նշեց, որ ֆինանսական վիճակի բարելավման դեպքում հնարավոր է հետագայում չափն ավելացնել:

Բաշխումն ըստ ֆակուլտետների.

- Հումանիտար գիտությունների ֆակուլտետ (4 կրթաթոշակ). Շառլ Ազնավուրի, Գրիգոր Նարեկացու, Դավիթ Անհաղթի և Մխիթար Գոշի անվան:
- Բնական գիտությունների ֆակուլտետ (1 կրթաթոշակ). Համլետ Կարայանի անվան:
- Տնտեսագիտության ֆակուլտետ (2 կրթաթոշակ). Սահակ Ջորափորեցու և Շավարշ Մարգարյանի անվան:
- Կիրառական արվեստի ֆակուլտետ (1 կրթաթոշակ). Մպարտակ Սարգսյանի անվան:
- Համամասնաճյուղային (3 կրթաթոշակ). ԵՊՀ կրթաթոշակ, Արտակ Յուցուլյանի անվան կրթաթոշակ և 44-օրյա պատերազմում զոհված ուսանողների անվան կրթաթոշակ, որը պարբերաբար փոխվում է:

Ա. Մակարյանը նշեց, որ այս կրթաթոշակները տրվելու են բացառապես մասնաճյուղի հաշվին, քանի որ պետությունն այլևս ուսանողներին նմանատիպ կրթաթոշակներ չի տրամադրում, նա նաև տեղեկացրեց, որ Նախարարությունը մշակում է կրթաթոշակների տրամադրման նոր, ավելի մեծ չափերով տարբերակ, որը սակայն կապված է բազմաթիվ փաստաթղթերի հավաքագրման հետ և դեռևս մշակման փուլում է:

Արտահայտվեցին՝ Կիրառական արվեստի ֆակուլտետի դեկանի պաշտոնակատար Վ. Աղաբաբյանը, Բ. Հարությունյանը, Գ. Սիմոնյանը և այլք:

Քննարկվեց «Պատերազմի մասնակիցների անվան կրթաթոշակ»-ում կոնկրետ անուններ ֆիքսելու հարցը: Մակայն Ա. Մակարյանը նշեց, որ անուններով հաստատելը կարող է հետագայում «աղմուկ» առաջացնել, և ավելի նպատակահարմար է պարբերաբար փոխել զոհված ուսանողների անունները:

Բաց քվեարկությամբ՝ 24 կողմ, 0 դեմ, 0 ձեռնպահ, որոշվեց

ՈՐՈՇՈՒՄ 91/4

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 23-րդ կետի 5-րդ ենթակետով և «Երևանի պետական համալսարան» հիմնադրամի Իջևանի մասնաճյուղի գիտական խորհրդի աշխատակարգի 4-րդ կետի 5-րդ ենթակետով, ինչպես նաև «Երևանի պետական համալսարան» հիմնադրամի Իջևանի մասնաճյուղի ուսանողական նպաստների, պետական և ներքուհական կրթաթոշակների հատկացման կանոնակարգի 35-րդ կետով՝ «Երևանի պետական համալսարան» հիմնադրամի Իջևանի մասնաճյուղի գիտական խորհուրդը որոշում է.

1 Հաստատել ԵՊՀ ԻՄ-ում 2026-2027 ուստարում ԵՊՀ ԻՄ ֆինանսական միջոցների հաշվին տրամադրվող անվանական կրթաթոշակների քանակն ու չափը համաձայն հավելված 5-ի:

2 Որոշումն ուժի մեջ է մտնում հրամանագրման պահից:

Օրակարգի յոթերորդ` «ԵՊՀ ԻՄ ֆինանսական գործունեության մշտադիտարկման արդյունքների ներկայացում և գնահատում» հարցի մասին լսեցին *ԵՊՀ ԻՄ գլխավոր հաշվապահ Մ. Մխիթարյանի* հաղորդումը:

Մ. Մխիթարյանը նշեց, որ 2026թ. առաջին վեց ամիսների ընթացքում մասնաճյուղի փաստացի մուտքերը կազմել են 290 մլն 184 հազար դրամ` տարեկան նախատեսված 658.9 մլն դրամի դիմաց:

Եկամտի աղբյուրներ.

- Մուտքերի հիմնական մասը (48.6%) գոյացել է վճարովի ուսուցման ծառայություններից:
- Պետական բյուջեից ստացվող ֆինանսավորումը (ուսանողական նպաստներ) կազմել է 57.7 մլն դրամ:
- Բանկային ավանդի տոկոսներից ստացվել է 55.9 մլն դրամ, ինչը կազմում է ընդհանուր մուտքերի 19.3%-ը:
- ԵՊՀ-ն արդիականացման ծրագրով մասնաճյուղին հատկացրել է շուրջ 29.5 մլն դրամի օգնություն:

Ծախսային հոդվածներ.

- Ծախսերի ամենամեծ բաժինը` 73.3%-ը, կազմել է աշխատավարձի ֆոնդը:
- Էլեկտրաէներգիայի ծախսերը վեց ամսում արդեն իսկ գերազանցել են նախահաշիվը, սակայն ակնկալվում է, որ արևային կայանների շնորհիվ տարեվերջին պատկերը կմեղմացվի:
- Գործուղման ծախսերը նախատեսվածից քիչ են եղել, քանի որ արտասահմանյան ուղևորությունների մեծ մասը ֆինանսավորվել է հրավիրող ծրագրերի (օրինակ` Էրազմուս) կողմից:
- Հիմնանորոգման աշխատանքների համար վճարվել է շուրջ 39.6 մլն դրամ:

Մ. Մխիթարյանի ամբողջական հաղորդումը կարող եք տեսնել հավելված 6-ում:

Արտահայտվեցին` ԵՊՀ ԻՄ տնօրենի խորհրդական Ա. Մակարյանը, Կիրառական արվեստի ֆակուլտետի դեկանի պաշտոնակատար Վ. Աղաբաբյանը, դոցենտ Գ. Միմոնյանը և այլք:

Ա. Ն. Մակարյանը պարզաբանեց, որ սա առաջին անգամն է, որ ըստ նոր կարգի` վեց ամիսը մեկ գիտական խորհրդին ներկայացվում է ֆինանսական հաշվետվություն: Նա նաև նշեց, որ 13-րդ աշխատավարձը կախված է լինելու ԵՊՀ-ի ընդհանուր որոշումից:

Նա տեղեկացրեց հյուրանոցի վերանորոգման մասին. նախորդ մրցույթը չի կայացել, և այժմ հայտարարվել է նորը` նախագծանախահաշվային աշխատանքների համար:

Ա. Մակարյանը հորդորեց ամբիոններին ներկայացնել մասնագիտական գրականության ցանկ, քանի որ գրադարանային ծախսերի տողով դեռևս գնումներ չեն կատարվել:

Ամփոփելով՝ նշվեց, որ առանց ԵՊՀ օգնության մասնաճյուղի համար բարդ կլիներ, քանի որ ուսման վարձերի հավաքագրումը դժվարությամբ է ընթանում:

Հարց բարձրացվեց ուսանողների կողմից կրեդիտների և ակադեմիական պարտքերի մարման համար կատարվող վճարումների վերաբերյալ: Պարզաբանվեց, որ դրանք ներառված են «այլ մուտքեր» հոդվածում: Քննարկվեց վարչական աշխատակազմի համար դեմքի ճանաչման սարքի (face ID) ներդրման հարցը, որը հետաձգվել է բարձր արժեքի և տեխնիկական խնդիրների պատճառով:

Բաց քվեարկությամբ՝ 24 կողմ, 0 դեմ, 0 ձեռնպահ, որոշվեց

ՈՐՈՇՈՒՄ 91/5

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 23-րդ կետի 20-րդ ենթակետով, ԵՊՀ ԻՄ գիտական խորհրդի աշխատակարգի 4-րդ կետի 20-րդ ենթակետով, ինչպես նաև ԵՊՀ ԻՄ գիտական խորհրդի 2025թ. դեկտեմբերի 27-ի թիվ 85/1 որոշմամբ հաստատված «ԵՊՀ ԻՄ ֆինանսական գործունեության մշտադիտարկման և գնահատման կարգի» 9-րդ կետով՝ ԵՊՀ ԻՄ գիտական խորհուրդը որոշում է.

1. ԵՊՀ ԻՄ 2026թ. առաջին վեց ամիսների ֆինանսական գործունեության մշտադիտարկման արդյունքների վերաբերյալ գլխավոր հաշվապահ Մ. Մ. Մխիթարյանի հաղորդումն ընդունել ի գիտություն:
2. ԵՊՀ ԻՄ 2026թ. առաջին կիսամյակի ֆինանսական գործունեության մշտադիտարկման արդյունքները գնահատել բավարար:
3. Ֆինանսական գործունեության մշտադիտարկման արդյունքներով վերհանված առաջարկություններն ու եզրակացությունները (մասնավորապես՝ արևային կայանների կիրառմամբ էլեկտրաէներգիայի ծախսերի մեղմացումը և գրադարանային ֆոնդի համալրումը) ներառել հետագա ֆինանսական պլանավորման և կառավարման բարելավման գործընթացներում:
4. Սույն որոշումն ուժի մեջ է մտնում ընդունման պահից

ԳԻՏԱԿԱՆ ԽՈՐՀՐԴԻ ՆԱԽԱԳԱՀ՝ _____ Մ. Մ. ՕԹԱՐՅԱՆ

ԳԻՏԱԿԱՆ ԽՈՐՀՐԴԻ ՔԱՐՏՈՒՂԱՐ՝ _____ Մ. Ս. ԱԹՈՅԱՆ